

續修廬州府志卷二十二

花翎道銜江南安徽廬州府知府清泉黃 雲總修

兵事志二

國朝

順治三年協領鄂屯自江甯駐防率兵馳擊巢縣踞賊

復其城國史名臣傳

四年十月鳳陽巡撫陳之龍遣標將王永昌等勦廬江

賊平之國史名臣傳

五年正月安慶土賊馮洪圖攻無為州巢縣皆陷之巡

撫陳之龍不能禦降調去國史名臣傳賊自無為圍廬江知

縣陳所聞都司徐應祥城守待援廬江縣志江南總督馬

續修廬州府志卷二十二 兵事志二

國柱飭按察使王國寶隨侍郎鄂屯領兵勦擊擒洪圖

及其黨國史名臣傳

十六年海寇薄廬州知府王業興拒守卻之康熙志

咸豐元年廬州鳳陽潁州等府捻匪起御史鮑繼培以

為言下督撫搜捕九月巡撫蔣文慶奏獲捻首高四八

等十四人並請留道員王彥和辦捕務平定捻匪方略國史蔣文

慶傳

是年廣西逆匪洪秀泉僭名號永安州陷官軍圍之調

安徽兵赴廣西平定粵匪方略

三年正月戊申大臣向榮復武昌粵匪出江東竄癸丑

過老鼠峽壽春鎮總兵恩長死之陸建瀛退還江甯前

署廣西巡撫周天爵奉

命協辦防勦甫抵宿州募勇赴正陽關壬戌安慶省城陷巡撫

蔣文慶死之

方畧 國史周天爵蔣文慶傳

是日望江縣先陷甲子

夜池州府陷

方畧周天爵疏

丙寅銅陵縣陷

銅陵縣志

庚午夜賊

船由太平府四合山下駛

方畧

壬申蕪湖當塗等縣陷

癸酉和州陷

當塗蕪湖和州志

逆匪直犯江甯省城二月乙酉

江甯外城陷總督陸建瀛死丁亥江甯內城陷將軍祥

厚等死之當是時大臣向榮大臣琦善自上游南北岸

先後至安慶琦善提督陳金綬學士勝保仍由北岸徇

桐城廬江無爲巢縣含山和州以達浦口進攻揚州向

榮仍由南岸東下己丑至銅陵庚寅過和州境丙申至

續修廬州府志

卷二十二

兵事志二

二

江甯軍於孝陵補

方畧各奏報銅陵縣和州志

丁酉

命工部侍郎呂賢基督辦團練事宜賢基先於正月庚午奉

命赴安徽會辦防勦奏帶編修李鴻章刑部員外郎孫家泰主

事朱麟祺通判徐啟山又請飭給事中袁甲三廣東知

府趙昉幫同辦理

上皆允之及是抵宿州巡撫周天爵在宿州疏請遷省治於廬

州府改安慶省為府城駐總兵一員又言軍機吏治難

兼顧

上命學政李嘉端為巡撫天爵以兵部侍郎銜辦理防勦事務

竝

命呂賢基會同天爵嘉端練兵團勇曉諭紳民殄除土匪

並方畧

國史呂賢基袁甲三周
天爵傳太湖縣壽州等志

三月己巳李嘉端抵廬州壽春鎮總兵玉山進兵潁亳

勦捕捻匪方畧
奏報

合肥梁園西北有謝家大戶招納凶命聯絡十餘村莊

以謝四老虎為首周天爵派兵捕之又有巨捻陳學會

紀黑壯等嘯聚潁州之王市集官軍節次被挫周天爵

率編修李鴻章督團堵勦方畧周
天爵疏

五月李嘉端自回駐廬州編修李鴻章帶勇千人防裕

溪駐運漕知縣黃元吉帶勇由巢含往和州與李鴻章

互相策應並
方畧
李嘉端疏

六月舒城土匪擾桐城孝廉方正馬三俊集團擊卻之

續修廬州府志 卷二十二 兵事志二 三

桐城
縣志

七月揚州踞賊分擾運漕窺東關為編修李鴻章所敗

李嘉端飭直隸州知州李登洲帶勇馳往會勦方畧
李嘉端

疏運漕東關係入巢湖一帶要口實為廬州門戶李鴻

章帶勇駐守四月有餘賊船竝未敢闖入方畧呂
賢基疏

八月丁丑閩浙總督慧成派副都統常清參將蘇勒方

阿防和州時賊擾運漕不得逞泊舟裕溪口將由巢湖

撲廬州戊寅入無為州境己卯州城陷旋走黃落河窺

東關乙酉入神塘埠黃元吉擊敗之登陸走太平嶺距

巢縣五十餘里方畧慧成
李嘉端疏庚寅太湖敗匪犯宿松知

縣劉東書率團擊卻之值湖北荆門知州李棟帶兵至

宿松辛卯追賊湖邊賊遂出江宿松縣志將由和州裕溪合股趨廬州慧成疏

是月呂賢基白六安赴霍山聞警折回舒桐募團練為官兵聲援方畧李嘉端疏

九月癸卯朔粵逆竄和州之鍼魚背仍回裕溪甲辰黃元吉戰於運漕李登洲戰於黃落河皆失利乙巳東關

陷賊遂踞之載運漕所存漕米十六萬石赴江甯總兵玉山退守金山張印塘受傷退守廬州丁未巢縣陷賊

焚學宮縣署而去官軍收復巢縣及東關隘口含山巢縣志丁巳兵部侍郎前任漕運總督周天爵卒於潁州王市

集軍營方畧續修廬州府志卷二十二 兵事志二四

命袁甲三代領其眾國史袁甲三傳壬戌李嘉端罷授江忠源巡撫方畧

十月賊趨舒城己亥主事朱麟祺禦之於北峽關白沙嶺力戰死之桐城舒城縣志庚子舒城陷總兵恆興退往廬州

督辦團練工部侍郎呂賢基前駐舒城與隨員前東河通判徐啟山俱死之方畧國史呂賢基傳舒城旌

上命袁甲三由潁州移軍桐城甲三疏言擒賊張茂踞懷蒙間稱偽西懷王窺廬州應先勦辦

上允之旋以粵逆撲廬州甲三馳赴宿州扼賊北竄國史袁甲三傳舒城之陷也巡撫江忠源由鄂入皖道病次六安聞警

留總兵音德布駐六安以十一月庚戌力疾前進辛亥

至廬州壬子舒城賊趨廬州癸丑薄城下城周三十六里凡七門水西門最庠忠源自守之分兵守六門紳民萬眾助登陴饋食飲晝夜不絕賊至卽燧大西門湖南舉人鄒漢勳等迎掘破之自甲寅至戊午賊連攻七門俱擊敗獲雲梯五十六具都司尹孝忠陣亡賊潛燧大東門城守備程智泉穴地出擊殺賊最多傍城築營守之己未前按察使張印塘總兵玉山援至戰北門外馬隊潰玉山陣亡庚申音德布援至同知劉長佑千總江忠信會師大西門戰敗外委石安邦林世弼陣亡音德布奔棗林岡自辛酉至丙寅賊日環攻我軍日苦戰丁卯夜賊逼城而壘都司馬良勳守備程智泉穴城出攻

毀各門賊壘惟德勝門外者未毀忠源甚憂之令把總尙得勝繼兵傍城偪賊而營戊辰夜忠源弟忠濟與都司戴文蘭等濟餉入城己巳賊攻德勝門尙得勝在城下都司楊煥章自城上夾擊之毀賊五壘大西門地雷發城圯十餘丈鄒漢勳等擊退築全賊夜偪水西門築二壘庚午馬良勳等出擊破之十二月辛未朔大西門地雷發鄒漢勳旣搶護又於壬申癸酉連破兩燧道甲戍編修李鴻章招集團練張印塘收集潰兵募川勇俱駐岡子集方賊之竄擾廬州也

上詔陝

甘總督舒興阿等統兵赴援至是舒興阿抵距廬州四十里之吳山廟是日音德布進營西城外十里舖與劉

長佑戴文蘭三路進勦毀哨棚二十餘忠源遣兵出應斃賊毀壘乙亥丙子城內外夾擊各路均有斬獲舒興阿前隊總兵郝光甲楊青鶴亦於丙子日與張印塘會攻水西門賊木城忠源在城上見其戰陣未合機宜疏請以提督和春總統各路援兵丁丑舒興阿進營岡子集李鴻章謁之請速進援不允戊寅忠源聞賊由蘄水竄皖境英山縣以王申陷上疏自劾竝咨會舒興阿撥兵守六安辛巳賊攻小東門知府陳源充等禦之相持間水西門地雷發城圯八丈餘忠源親督馬良勳戴文蘭及守備龍天保等冒煙捍禦力保危城甲申提督和春至合肥梁園乙酉繞至岡子集商請舒興阿撥兵不

允壬午忠源弟忠濬以楚勇千五百人馳至兩戰達大西門外五里墩癸未千總李得勝以楚勇八十齎銀入城甲申張印塘舒興阿會師岡子集將進援水西門馬隊潰賊連日攻撲益急城中餉乏兵疲苦守已三十餘日矣丙戌夜水西門地雷發城震裂忠源堵塞之賊梯上南門及小東等門廬州知府胡元煒叛應賊丁亥昧爽廬州省城陷巡撫江忠源於西門力戰死之布政使劉裕鈐前布政使李本仁池州府知府陳源充知府李承恩同知鄒漢勳胡子離合肥縣知縣張文斌前合肥縣知縣桂林吳祥麟府學訓導朱宗采府經歷縣丞艾延暉興福副將松安參將裕昌廬州營都司陳步雲雲

南都司戴文蘭馬良勲及紳士王汝貴等俱死之語詳名宦

忠節等傳以上方畧國於是巢縣廬江皆陷各縣志

十一月

上以戶部侍郎王茂蔭奏保本籍人員回省帶勇

特命刑部郎中李文安著回籍督率練勇協力防勦王茂蔭奏議

十二月甲午

上授漕督福濟安徽巡撫以和春接統舒興阿軍攻廬州方畧

刑部郎中李文安至臨淮袁甲三奏派先行駐紮募練

勇成軍圖進勦以通淮南之路袁甲三又奏請

令在籍侍郎曾國藩以水陸軍由湖北九江趨安徽國史袁甲三傳

時國藩方在衡州試辦舟師曾國藩大事記

續修廬州府志卷二十二 兵事志二 七

四年官軍攻廬州府城營於府北定遠於是合肥以南

州縣盡淪於賊各路奏報

正月無為州再陷無為州志廬江踞賊暫退尋復至工部員

外郎胡祖謙等死之廬江縣志袁甲三慮廬州城賊旁擾

疏請撥兵防壽州六安方畧

和春遣參將劉玉豹守正陽關副都統忠泰會同編修

李鴻章勦巢縣方畧

三月庚子朔賊竄至潁上潁上縣志甲三敗之於潁州又敗

之於正陽關餘賊掠舟遞回六安國史袁甲三傳盡返廬州

春福濟疏甲三遂回軍勦蒙亳捻匪國史袁甲三傳

五月舒城知縣張培收復桃鎮舒城團練攻城不克並

方訓導金上珍州同鍾繼昌等死之舒城縣志六月壬午秦

定三進軍舒城營於白洋舖癸未戰連山橋甲申至甲

午戰楊店等處丁酉晦城賊出撲把總吳大椿陣亡方

畧定三會同六安曹遠榮之勇設伏敗之踏賊壘四十

餘座六安州志桐城孝廉方正馬三俊率勇來會敗死周瑜

城舒城縣志七月己亥至於戊申定三連戰皆勝迭次

苦戰橫嶺畧方遂由鍋底山進規縣城未下舒城縣志

官軍之攻廬州也自二月癸酉移營三里岡乙亥城逆

五路來撲和春偕前副將鄭魁士總兵吉順全玉貴副

都統薩炳阿知州江忠濬擊敗之辛卯鄭魁士全玉貴

江忠濬分攻三門三月己酉甲寅迭次環攻奪營焚巢

續修廬州府志 卷二十二 兵事志二 八

先後斬擒不下四五千名總兵全玉貴營於北門偏近

大橋掘賊北出之路己酉之戰玉貴直抵城下打仗受

礮傷和春令秦定三填紮北門方畧和春福濟疏逆匪抗拒如

故壘奉

嚴旨切責國史和春疏四月丁丑和春福濟鄭魁士會合官兵四面

圍勦燬文昌樓並賊營多座戊寅逆匪分路撲出大敗

之五月於沿河築壘及土橋三路進攻直抵城濠擊退

援賊數月以來北路各營攻勦奮勇西路大捷甚少六

月癸酉

命褫西路總兵珠克登揚青鶴等職嗣是副都統忠泰力攻巢

湖參將劉玉豹圍勦霍邱各有斬獲廬州各營自六月

至閏七月輪流進攻所擒斬甚夥方畧 國史和春傳全玉貴

受傷後逾數月和春等奏案 粵匪紀畧

八月丙寅晦廬江文生姚克厚鮑豐基孝廉方正吳廷

香等各率練勇會外委熊允升攻復廬江縣城斬偽監

軍任大綱方畧和春福濟疏八月三十日 廬江縣志忠義傳作八月十三日

九月廬江於辛卯日復陷吳廷香等死之廬江縣志忠義語詳忠節

傳

十一月袁甲三遣參將劉玉豹四品舉人臧紆青由六

安率師至桐城已巳連克大小兩關日據 方畧桐城志初二日丁卯

庚午破呂亭驛壘直抵城下甲戌戰勝丁丑襲天林莊

壬午紆青戰殞桐城文生張勳吳文謨等死之桐城方縣志

續修廬州府志 卷二十二 兵事志二 九

紆青之圍桐城也廬江援賊大至紆青擊走之袁甲三

恐孤軍深入無援奏言臨淮無兵可撥

上命提督秦定三由舒城迅撥兵勇為紆青等聲援尋紆青攻

桐城西門安慶潛山援賊厲至城賊分門出應我軍三

面受敵故及於敗國史袁甲三傳

五年正月編修李鴻章進兵巢縣留兵守昭關含山縣志

三月辛巳秦定三音德布攻舒城三戰皆勝甲申編修

李鴻章攻東面平毀賊壘都司朱蘭泰攻西面與千總

慶隆守備李光觀陣亡方畧和春福濟等疏團紳秦楠等死之

舒城縣志

十月辛卯朔官軍復廬州府城是年自正月壬申吉順

鄭魁士嵩瑞普慶常清分攻各門丁亥夜襲西門皆不克二月壬寅擊退安慶援賊癸卯焚江甯援賊三壘甲辰乙巳連戰於西二十里鋪佐領瑞祥防禦穆精額驍騎校賽堪圖春慶俱陣亡壬寅攻陷西門城丈餘方畧奏報攻入七里站將木城木壘一律踏平擒僞丞相陳宗勝僞指揮羅三才皆斬之進攻焦湖賊壘一晝夜悉拔之斬僞司馬等五名國史和春傳六月丁巳戊午和春督同鄭魁士等攻勦南路分擊各門七月丙寅毀南路賊壘外委蘇興瓏殞於陣己巳城賊出撲擊敗之驍騎校德慶陣亡庚午破賈家大蔭賊壘把總蔣萬福陣亡尋勦外援賊匪節次將賊壘毀平攻北岸芝蔴港游擊伊林

續修廬州府志

卷二十二

兵事志二

十

布千總楊萬傑封度外委賀世鵬知縣鄧楚翹先後陣

歿方畧賊壘分股犯柘泉及石機橋俱擊潰國史和春傳城

賊久負隅及是月朔紳民魯雲鵬王南金沈廣慶等數

千人為內應方畧和春福濟疏合肥縣志和春督後隊鄭魁士一軍

薄城下梯而登兵勇畢登副將嵩瑞由東門入賊啟德

勝門出奔和春督馬隊截於紫金隄遂克府城國史和春傳

秦定三在舒城擊敗安慶援賊方畧和春福濟疏

十一月庚申朔吉順攻巢縣擊敗城賊方畧和春福濟疏

六年正月和春進勦三河竝舒城踞匪尋克復舒城國史

史和春傳先是福濟檄桐城人胡大新募楚勇會提督秦定

三勦桐城踞逆桐城縣志五年十月事秦定三時規舒城及是月

和春率總兵郝光甲珠克登至舒城前總兵音德布

登王申復舒城

六安州志舒城縣志
平定粵匪紀畧

六月無為州賊援三河和春擊諸白石山敗之

國史和春傳

巢縣舉人汪人廉守巢南戰白石山陣亡

巢縣志

八月甲午

命江南提督和春為欽差大臣赴丹陽督辦江南軍務己亥

命提督銜署壽春鎮總兵鄭魁士會同巡撫福濟督辦安徽軍

務並畧時和春移營偏三河攻拔面營賊壘

國史和春傳乙

未副將銜參將程智泉擊敗撲營之賊追勦殞於陣庚

子副都統麟瑞等毀金牛賊壘都司吳濟美傷亡辛丑

和春宵燬賊壘壬寅克復三河

方畧和春福濟疏

擒偽將軍秦

續修廬州府志

卷二十二

兵事志二

十一

標盛偽也揮張大有等十五名

國史和春傳

甲辰進攻廬江

平其五壘克復縣城擒偽檢點吳仕政等千總劉富元

陣亡

方畧和春福濟疏

九月乙卯朔知府李元華知州林蘭攻無為州丙辰復

州城

福濟鄭魁士疏

庚午鄭魁士攻巢縣遣札隆武敗援賊於裕溪口丁丑

粵逆出撲礮傷鄭魁士肩脊裹創力戰迭平賊壘直抵

縣城福濟同李鴻章吉順嵩瑞于昌麟馬昇平鄭魁士

同麟瑞蕭開甲余兆清江忠信余成蛟等分攻各門守

備銜徐榮陣亡癸未克復巢縣乘勝進克和州以音德

布守之

方畧福濟鄭魁士疏

竝克東關以札隆武吉順守之

山

縣志

秦定三自舒城移軍攻桐城營於胡家鋪闌干山桐城縣志

官軍自廬州進規桐城懷甯縣志忠義傳秦定三先在桐城此福濟鄭魁士之師時桐

城西南鄉籌供鄭魁士軍餉東北鄉籌供秦定三軍餉見桐城縣志

十二月粵匪肆擾已亥無為州巢縣竝陷無為州志

諭官文等分兵一千赴廬州助勦見胡林翼疏稿

七年正月粵逆由無為州竄黃姑牯丁巳廬江陷福濟

已由桐城回軍廬州鄭魁士秦定三在桐城遣援廬江

守備洪鐘都司彭萬鑑陣亡壬戌賊由廬江援桐城甲

子桐城踞賊出撲我軍擊之賊大潰方畧福濟疏

二月甲申桐城軍饑潰福濟疏甲申據桐城縣志候補道恩錫經歷

續修廬州府志 卷二十二 兵事志二 十三

鄭士節死之桐城縣志秦定三退六安六安州志鄭魁士退廬州

桐城縣志賊追至舒城丙戌舒城陷方畧福濟疏丙戌據舒城縣志

諭官文胡林翼迅派陸兵一千馳往廬州助勦胡林翼疏稿

三月粵逆敗於柘皋走含山丙辰含山陷城且屠縣人

張景芝走廬州乞師含山縣志

八月霍邛正陽關擒匪先後至六安粵逆迎之入城不

堪捻眾之逼也挈逆黨棄城而去於是捻黨專踞六安

六安州志分竄舒城丁卯舒城陷方畧福濟鄭魁士疏

九月已卯朔舒城踞捻合粵逆圍撲桃鎮辛巳桃鎮陷

捻匪宵掠上中派河癸巳撲廬州二十里鋪鄭魁士擊

之分兵施口擊破賊艇甲午福濟進駐店埠逆首李秀

成糾同潛山太湖桐城舒城各踞賊合併捻匪三路竄入其派河一路之賊已亥築七壘於二十里鋪直撲廬州庚子鄭魁士督同副都統麟瑞總兵札隆武游擊余成蛟等力戰破之三河賊來援又大破之其巢縣一路之賊水陸竝進戊戌踞夏閣築木城襲柘臯已亥總兵吉順偕營總烏爾滾布尙阿布守備王聯陞分道擊敗之毀木城奪賊船燒其糧舟庚子回竄夏閣吉順又擊敗之其巢湖一路之賊爲巢城僞先鋒黃和錦由施口撲撮鎮礮舟趨店埠已亥總兵嵩瑞都司黃國堯守備范玉林等敗諸孤山斬僞將軍柏萬復僞指揮陳尙林奪其船並敗陸路援賊辛丑又敗諸塘口河於是粵捻

三路並敗遯

福濟鄭魁士疏

乙酉廣東惠潮嘉道彭玉麟率內湖水師福建提督楊載福率外江水師會浙江布政使李續賓陸師副都統銜總管巴依爾呼蘭馬隊攻湖口丙戌彭玉麟偕李朝弼李成謀等焚石鐘山斷橫江鐵鎖丁亥克湖口奪梅家洲僞城辛卯彭玉麟楊載福等破小孤山把總劉高舉先登中礮死之庚子克彭澤破彭浪磯小孤泝兩僞城時安慶踞逆來援屯聚馬當華陽鎮楊載福率李成謀李濟清等自小孤山駛至奪馬當賊壘焚華陽鎮賊船辛丑復望江縣壬寅復東流縣疾趨安慶平鹽河口及安慶對岸各賊壘癸卯全軍衝安慶東下克樅陽甲

辰克大通丙午克銅陵縣方畧興阿胡

濟鄭魁士
胡林翼疏

駛無為州江面會合李德麟戰船

保遣把總邵徵祥廩生王尙辰申

會勦甲辰苗沛霖率練勦捻方畧蒙城

桃鎮踞匪竄擾派河福濟督水陸

游擊聶桂榮等復桃鎮丙午鄭魁

總兵札隆武副都統麟瑞知縣甘

賊於派河廬州知府馬新貽擣賊

華焚賊於上派河賊竄舒城三河

續修廬州府志 卷二十二 兵事志二

十月逆匪由巢縣犯昭關六安踞

山霍山復陷方畧李孟羣疏霍山

而言也

八年二月鄭魁士勦和州援巢縣

三月乙酉鄭魁士至含山勦南汜

不下遂回廬州方畧福濟

諭湖北提督德安前往廬州會同福濟辦理

南軍營協同勦匪方畧三

粵逆由裕溪西梁山屯姥下河又由

結捻匪道六安舒城繞無為州沿江

六安捻匪掠糧舒城踞桃鎮乙卯都

之復桃鎮

福濟等疏

七月福濟因病請假

諭李孟羣暫署安徽巡撫仍帶兵駐麻埠

國史李孟羣傳

巡撫銜浙

江布政使李續賓奉

命征皖

國史李續賓傳

福濟既去廬州李孟羣署巡撫副都統麟瑞

等守城德安亦以養病回廬三河逆匪李侍賢陳玉城

突竄桃鎮窺廬州戊子新任巡撫翁同書甫至定遠廬

州府城陷總兵蕭開甲知府伍成功陣亡

方畧翁同書疏勝保疏

總兵余應彪合肥知縣王應奎均死之

合肥縣志

聶桂榮率

含山團練來援途遇鮑雲翥會軍戰賊梁帝廟不利退

仙蹤

含山縣志

李孟羣退六安店埠梁園相繼告陷翁同書

續修廬州府志

卷二十二

兵事志二

五

於梁園突圍而出退保定遠勝保遣副都統穆騰阿率

騎兵至定遠堵勦

翁同書疏

李孟羣等進紮廬州西官亭長

城一帶

國史李孟羣傳

八月廬州賊匪屢由梁園店埠撲定遠之界牌藕塘繞

犯大柳驛池河鎮為勝保穆騰阿克蒙額等先後擊敗

方畧勝保翁同書疏

九月戊子李續賓進兵舒城庚寅克之賊走三河三河

距縣治五十里有偽城九壘逆眾累年踞守以捍蔽廬

州者也續賓既克舒城留兵守之又留趙克彰軍守桐

城自率五千人以庚子日進抵三河

方畧官文都興阿李續賓疏

史李續賓傳

十月甲辰李續賓分兵三路攻三河賊壘殲悍賊千數百奪柵而入九壘俱下又擊退偽城及白石山援賊斃七千餘方畧官文都興阿胡林翼疏 國史李續賓傳亦已獲勝駱秉章疏粵逆陳玉城自江浦六合廬江來援粵逆李侍賢捻匪張落刑自廬州來援號稱十萬宵至金牛鎮白石山連營數十里包抄我軍後路續賓飛檄各處援師未集而賊鋒已偏續賓宵勦金牛鎮晨戰樊家渡擒斬約踰二千賊乘大霧回撲參將彭友勝游擊鄒玉堂等先後力戰死營壘多陷僅餘四五營堅守會賊掘河隄斷我軍去路壬子夜續賓怒馬當先往來奮擊斃賊數百夜半身面俱傷力竭死之諸將尙苦守營壘又三日乙卯始俱覆

續修廬州府志

卷二十一

兵事志二

共

又六日辛酉桐城守兵亦敗前後死者近六千人

史李國

續賓傳 方畧官文都興阿胡林翼疏又會國藩疏按三河死事最著者副將劉神山參將彭友勝蕭意文彭志德游擊朱恢三鄒玉堂胡廷槐杜延光王槐興劉聚勝劉祥發饒萬福劉和益道員孫守信運同丁鏡意知府銜同知何忠駿同知曾國華何裕董容方前署道州知州王揆一知縣楊德閣府經歷縣丞劉運會李續藝訓導萬斛源吳立蓉主簿李鏡源縣丞銜趙煥剛從九品李肇用李宗烈俞金波尹耀莘蕭克修都司胡在位王繼龍曾樹霖彭洪勝夏全勝葉九疇龍應自謝光秀李昇三馬超文黃朝賢劉泗清顧必成楊顯貴朱神采姚祖益王俊秀守備趙國幹趙國棟王啟興羅澤鏡蕭廷玉李前規左國光鄧廷簡胡學端黃順發劉坎二朱雲貴劉祥勝彭祥勝彭祥泗彭勝椿謝榮堂顏得祿朱樂美龍應松劉仁光凌步雲陳得全袁清華歐寶堂周光曙李長升李崑崙雷德教楊得名謙蘇友文鍾良先劉光日賀見昇李光德吳星蔭蔣名謙蘇友文鍾良先劉倫同王文才彭松林趙崇義干總蕭長青彭輔魁覃楚伯周吉成王俊珊任有聲劉光輝何佐國楊桂芳彭崑彪任中和邱龍光張先慎李登貴賀輝堂把總王瑞堂張得盛易貴宏袁東初外委王甫臣文生雷初申何向

瀛監生何保三張溥萬文章鍾國彥周文宣張兆鶚許
恬源張庚張家元陳良臣桂邦熾鄭德匯郭代佐張謙
又有千總周有堂等三十四人鄧榮貴等九人把總李
昇發等四十八人羅大斌等三十二人蕭太和等十二
人外委左茂賓等六十四人楊正茂等五十二人沈先
貴等二十二二人六品藍翎翟斯謨等十三人以上並見
胡林翼遺集胡林翼以母喪歸聞信即遵
官文等奏疏

旨赴鄂進駐黃州

國史胡林翼傳十一月

辛酉張落刑由懷遠撲劉府勝

保被圍退軍殷家澗癸亥進兵奪回劉府賊回懷遠分

竄北鑪橋趨廬州

勝保疏

十二月壬寅朔廬州踞賊遣黨擾含山癸卯由尉子橋

梁帝廟撲仙蹤守將聶桂榮軍覆含山團紳嚴春甲死

焉

含山縣志

九年二月粵逆陳玉城由潛山竄霍山撲六安乙巳六

續修廬州府志

卷二十二

兵事志二

七

安州陷廬州西面之賊踵至前布政使李孟羣駐軍官

亭長城腹背受敵竭力捍禦相持十餘日丙辰鄧清李

孟羣廬又熊袁懷忠四營皆失是夜孟羣營亦陷猶執

矛屹立殺賊傷重而蹶賊擁孟羣至廬州不屈死之方

畧勝保翁同書疏

國史李孟羣傳合肥縣志

參將潘羅成守備馬錫祿朱清

珍千總梁志品康玉麟孫全勝倪人傑張守魁張玖乾

州同張湘甲經歷周壽嵩縣丞沈麟圖從九品喬傳芬

敬克猷周德治周日襄監生趙廷煥文生張之謹把總

謝世望黃占魁外委原得勝劉啟光向宏亮包宏興軍

功魏鵬九皆戰死

袁甲三奏案

粵逆陳玉城圍總兵吉順余

成蛟等軍於合肥之護城驛勝保進軍八斗嶺戰於護

城驛北河南總兵柏山陣亡賊圍益急

方畧勝保翁同書疏

三月癸酉勝保督攻護城賊圍不克河南知府顏懷志

護軍孝順軍功遲乃光均戰死吉順等軍突圍出甲戌

戰張橋乙亥戰辛家岡丙子賊竄界牌官軍復護城驛

乙酉副將盧又熊會知州茅念劬及霍邱練總趙春和

復六安州城賊向舒城霍山竄逸同已丑勝保督同知

州茅念劬知縣王自箴攻賊霍山庚寅復霍山縣城竝

擊退舒城來援之賊方畧勝保等疏賊回竄舒城縣丞陳清

寶謝紹東千總曹繼成把總方早春何炳森敗諸八十

里鋪六安志已丑粵匪竄舒城之九井毛竹園知縣甘文

瀾擊退獲偽軍師蕭前汰偽師帥沈汰方畧翁同書疏

續修廬州府志

卷二十二

兵事志二

十六

八月壬寅鑪橋捻匪糾合廬舒粵匪竄壽州癸卯擾下

塘集營總薩薩布都司梁清標分道迎勦捻匪敗回鑪

橋粵匪敗竄長城官亭乙巳記名道李元華敗諸官亭

戊申又敗諸長城賊走六安壽州志

九月壬申潛山知縣葉兆蘭敗逆匪於逆水畷潛山志湖

北巡撫胡林翼令參將余際昌奪取天堂駐軍控扼舒

桐英霍方畧胡林翼疏廬州安慶霍山舒城踞逆同時竄擾

六安癸酉盧又能自霍山引軍還六安城守方畧翁同書疏

大臣勝保以憂回京

命三品頂戴署漕運總督袁甲三署理欽差大臣督辦安徽軍

務甲三疏辭乙卯

諭袁甲三補授漕運總督仍署理欽差大臣督辦安徽軍務

方
畧
先是前兵部侍郎曾國藩率師援四川八月戊申至

黃州疏言與撫臣胡林翼晤商皖北粵捻各匪蔓延南
爲金陵蕪湖之擾北爲齊豫數省之患自安慶至宿毫
千餘里人民失業田廬蕩然中原腹地莫要於皖生民
疾苦莫甚於皖就大局緩急而論臣自應回軍援皖先
其所急用蘇民困臣考案入皖形勢進兵須分四路南
則循江而下一由宿松石牌以規安慶一由太湖潛山
以取桐城北則循山而進一由英山霍山以取舒城一
由商城六安以規廬州南軍駐石牌則可與楊載福黃
石磯之師聯爲一氣臣所部不及萬人僅足自當一路

續修廬州府志

卷二十二

兵事志二

九

若將援湘之蕭啟江調回則臣處可分爲兩支若竝將
張運蘭調回則臣處可分三支一支之力僅能會勦皖
北三支之力則可專任皖南現臣酌留張運蘭協防湖
南咨調蕭啟江帶勇五千先行來鄂會同鄂軍東下以
期廓清皖境蕩平寇氛至是官文曾國藩胡林翼會疏
言自古辦竊號之賊法當剪除枝葉竝擣賊巢今之洪
秀泉踞金陵陳玉城踞安慶竊號之賊也自洪楊內亂
鎮江克復金陵逆首凶燄久衰徒以陳玉城往來江北
牽制兵力接濟賊糧故東南尙未收復耳竊謂攻復金
陵必先駐重兵於滁和去江甯之外屏斷蕪湖之糧路
欲駐兵滁和必先圍安慶以破陳逆之老巢兼擣廬州

以攻陳逆所必救現擬四路進兵自江濱而北第一路由宿松石牌以規安慶臣曾國藩親自任之第二路由太湖潛山以取桐城多隆阿鮑超等任之第三路由英山霍山以取廬州臣胡林翼親自任之先駐楚皖之交調度諸軍兼籌轉運第四路由商固以規廬州李續宜一軍任之至蕭啟江一軍臣曾國藩前經檄調來鄂當已由粵回湘應懇

天恩仍飭蕭啟江來皖俾臣等稍收臂助

會國藩官文等疏並見方畧

是月壬寅曾國藩督師駐宿松

又潛山守禦志

甲子

胡林翼自黃州移軍蘄州

胡林翼疏潛山志十一月六日駐蘄州太湖接境界牌

石今遵方畧

續修廬州府志

卷二十二

兵事志二

三

十一月己巳舒城粵逆由主簿圍竄天堂楚軍參將余際昌敗諸王婆坳追至雞冠嶺癸未廬州踞匪西擾壽州丙戌破王家圩高劉集分竄雷麻店署合肥知縣英翰親督勇練與練總周盛波夾擊獲勝賊潰追斬無算踏毀賊壘四

方畧翁同書疏

十二月逆首陳玉城率各竄逆竝浦口匪眾分擾華子岡等處署合肥知縣英翰外委解先亮衝圍擊退竝擊敗援賊追勦至小河灣斃賊不計其數所有雷麻店吳家山口華子岡黃泥灘桃鎮五顯廟諸賊三十餘壘均

會團練平毀

方畧翁同書疏

十年正月當援賊上犯潛山太湖時官文等以縣丞吳

廷華游擊陶茂林都司梁洪勝把總胡世英各營防樂
兒嶺已丑擊敗舒城之賊方畧官文等疏

二月楚軍進徧桐城翁同書飭副將盧又能率陳忠徐
邦道郭寅亮等攻賊舒城敗賊於彌陀寺於張母橋於
新河口壘破其壘守備陳禮陣亡方畧翁同書疏粵逆陳玉

城屢撲六安壽州為副將盧又能同知英翰擊退逆匪
既為英翰所破收合餘眾進踞靠山牌知縣甘文瀾夜

焚其壘壽州南鄉暨合肥民圩竝出禦賊頗有斬擒方
畧翁同書疏粵匪紀畧初袁甲三攻賊於定遠以六月
二月二十日乙卯事

已卯合圍辛巳南路官軍徐立壯戰雞鳴橋敗合肥巢
縣來援之粵捻各賊壬午城賊出撲北路圍師烏勒興

續修廬州府志

卷二十二

兵事志二

三

阿薩薩布阿克敦等擊退庚辰于昌麟馬昇平兩營並

陷丙戌張得勝毀賊三圩丁亥宋慶敗賊橋口戊子穆

騰阿等敗賊沙澗自是無日不戰七月丙申至戊申袁

甲三檄張得勝副都統花尙阿合袁保恒軍圍之連戰

皆捷奪賊壘十七擒首龔得受創幾死程二坎陣斃見

甲三疏按方畧同治二年十一月僧格林沁庚戌擒

等疏有程二坎乞降事則此陣斃者非程二坎首李允韓四萬由巢縣來援辛亥穆騰阿等軍迎擊佐

領富亮千總郭元齡陣亡滕家勝黃國瑞各受重傷癸

亥克蒙額亦受傷裹創力戰殲擒首孫勞恩是時我軍

於城東北增二營壘築礮臺以擊之袁甲三疏又壘次截回

出竄之賊擊敗外援賊勢窮蹙及是月偽西平主將吳

如孝由廬州來援營總常喜接戰受傷僞英逆陳玉城
糾金陵賊眾由天長竹鎮石梁疾趨定遠癸酉圍我九
營連日鏖戰我軍突圍拔退丁丑遂撤定遠之圍分顧
後路扼守長淮方畧袁甲三疏定遠縣志粵逆陳玉城自八月丁
卯由定遠竄圍壽州都司彭楚文守備黃廣仁先後擊
敗水路之賊陸路賊逼城下圍攻十日翁同書親督諸
軍堵禦令水師黃鳴鐸渡河殺賊城上發礮應之及是
月丙申夜襲賊焚其壘圍解賊遁竄圍六安捻匪亦竄
固先寺丁家集丁酉總兵吉順等水陸分投兜勦戊戌
賊撲近城濠庚子陳玉城親引悍賊日夜環攻皆擊卻
丁未六安圍亦解賊南竄霍山舒城分趨金家橋庚戌

爲道員李元華同知潘鼎新千總劉銘傳等所敗由東
南退竄丁巳戊午游擊孟雲霞截擊迭敗之方畧翁同書疏

會國荃圍安慶甚急粵逆陳玉城糾定遠六安賊黨自
舒城廬江上竄月之初旬至桐城掛車河望鶴墩香舖
街棠梨山節節築壘圍解安慶之圍副都統多隆阿軍
掛車河甲戌參將趙旣發擊敗撲營之賊癸未多隆阿
率協領溫德勒克西破賊於望鶴墩戊子會合安徽按
察使李續宜從掛車河及新宜渡夾擊之副將王聯芳
等破棠梨山諸壘多隆阿李續宜會師進戰香舖街雷
正綰等出賊後路大敗之賊宵遁追抵桐城城下而還

方畧官文
胡林翼疏

時霍山陷胡林翼令副將余際昌總兵成

大吉擊破之復霍山賊走舒城霍山縣志胡林翼遺集

官文等疏復霍山係十

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

十一月初五日

霍山縣志胡林翼遺集

官文等疏復霍山係十

廬江桐城縣志

十一年正月偽英逆陳玉城在廬江招無巢賊由舒城

中梅河入霍山偽洪天豫踞廬江之羅昌河捻匪踞

橋桐城縣志

六月粵逆陳玉城糾楊輔青由無為竄英山方畧官文等疏

八月丁巳朔卯刻克復安慶省城偽英逆陳玉城偽璋

逆楊輔青偽璋逆林紹璋偽玕逆洪仁玕退集賢關外

方畧官文曾國藩胡林翼李續宜楊載福多隆阿疏曾國荃多隆阿分途追剿

續修廬州府志

安慶逸匪戊午曾國荃督同曾貞幹朱洪章等敗賊石

唐湖五顯廟掃平集賢關內外賊壘多隆阿抄出三橋

頭已未遮擊陳楊二逆敗之督同穆圖善雷正綰楊朝

琳石清吉譚仁芳朱希廣劉寶國分道挂車河棋盤嶺

官板橋直抵桐城北南西三門賊夜啓東門出竄穆圖

善追及呂亭驛殲賊數百餘賊奔廬江遂復桐城方畧官

文胡林翼等疏癸酉署舒城知縣陳元泰參將桂學高復舒城

擒偽販添燕等斬之方畧賸疏賊遯廬州舒城縣志云八月

軍至而遯又案桐城志云九月多隆阿安慶既克廬江城賊

無固志團練襲之賊遯三河城將復逆首陳玉城率眾

來援團練敗潰監生王純臣武生王黠練丁王泰來王

錫齡五品軍功徐立功等戰死廬江縣志人物

九月多隆阿剿廬江賊棄城遁桐城縣志曾國藩令補用道

劉連捷守廬江令知府陳湜由廬江規無為因三河踞

逆聚泥汊神藤河即神塘河阻我師丁亥按察使曾國荃督

副將蕭孚泗彭萬全會水師總兵王明山黃翼升萬化

林等東下庚子決楊家橋鳳凰頸隄力攻泥汊賊壘辛

丑壘賊遁無為追斬數百進攻神藤河賊壘癸卯賊遁

截殺甚多乘勝抵無為城下王明山率萬化林等攻東

北各門降賊馬玉棠為內應機洩為偽項逆朱酋所囚

其黨攻朱逆我軍乘之賊大潰出北門紛竄水陸各軍

擒斬悍賊二千有奇克復無為州城偽巨逆洪酋踞運

續修廬州府志 卷二十二 兵事志二 二

漕與東關援應戊申曾國荃令水師泊黃雒河過巢湖

率水陸各軍剿運漕焚賊舟擒斬千餘遂克運漕方畧官

文曾國藩會疏又曾國藩另疏又粵匪紀畧據各原疏賊竄桐城闢癸丑克三汊

河甲寅並含山縣志淮揚鎮總兵黃翼升知府陳湜副將李

朝斌李濟清鄧萬林游擊郭松林程學啟克東關曾國藩奏

案

十一月丁亥粵逆由雍家鎮犯三汊河官軍擊敗之含山

縣志曾國藩遣兵復三河檄廬江防軍移三河協守丁酉

以吳坤修團防營守廬江坤修尋病以其弟同知吳修

敬代統其軍曾國藩札葉曾國藩募練皖北之勇名曰淮軍

以同知張樹聲潘鼎新守備吳長慶千總劉銘傳分領

之立爲樹鼎慶銘等營明年歸福建延建邵道李鴻章
統帶赴上海征剿曾國藩

同治元年正月荊州將軍多隆阿由舒城移剿廬州丁

未副都統溫德勒克西總兵雷正綰石清吉擊敗城賊

來撲營者方畧官文

二月甲寅朔雷正綰等渡河焚賊船進逼廬州攻燬買

賣街乙卯夜焚大興集賊卡丁巳石清吉等破西門德

勝門外木城石壘僞英逆陳玉城率眾出援爲雷正綰

截擊所敗方畧官文道員劉連捷自無爲移軍司家

港望城岡曾國藩檄副將熊登武由安慶鎮守無爲曾國藩

潘咨丙辰兵部右侍郎彭玉麟督飭總兵李成謀李朝

續修廬州府志 卷二十二 兵事志二 五

斌李濟清彭楚漢副將左光培羅進賢分路擊敗東梁

山西梁山裕溪口及雍家鎮各逆方畧曾國藩大臣袁

甲三遣都司褚開泰攻克梁園癸亥進攻香積寺踞賊

甲子夜平其四圩方畧袁

三月巳丑大臣曾國藩令福建延建邵道李鴻章

率湘淮各軍程學啓張樹聲劉銘傳潘鼎新吳長慶滕

嗣林張遇春等營東下壬辰至上海軍城南曾國藩咨

紀丁酉布政使曾國荃率水陸各軍進規巢縣擊退望

城岡竄賊庚子克桐城閘辛丑復雍家鎮壬寅復巢縣

克含山甲辰襲和州收賊鉞魚背乙巳克裕溪丙午破

西梁山曾國藩疏此役把總鄭安盛張

興富陣亡含山縣志和州志

四月時陳玉城久踞廬州多隆阿督總兵雷正綰等攻之增礮台二十餘座晝夜轟擊四面合圍袁甲三飭總兵張得勝徐鵬副都統克蒙額會攻壬戌張得勝統二十餘營於北門外晝夜環攻設法誘戰大敗之遂薄城下丙寅夜賊分門出撲諸軍合擊賊大潰張得勝率部首先登城士卒踰城濠而入丁卯克廬州陳逆奔壽州中津渡官文等疏 方畧袁甲三疏 國史多隆阿傳 據采訪冊邑人參將解先亮以千餘人在城內 應而奏報未及附著於此勝保令苗沛霖截剿已巳苗沛霖遣苗憬開誘之入城會同游擊朱佩棻執之縛送穎州擒匪張荅刑要劫諸江口集爲我軍所敗遂將陳玉城檻送京師方畧 勝保疏奉

續修廬州府志

卷二十二

兵事志二

三

旨卽所在正法抵延津磔於市

豫軍紀畧

傳首皖楚至穎州時穎人

設張國樑李續賓吉爾杭阿李孟羣之位祭告之

阜陽縣志

八月巢縣陷

巢縣志 人物傳

粵逆自巢縣趨英霍圍廬江桐城

戒嚴

桐城縣志

九月粵逆自河南湖北回援江甯途出英霍曾國藩檄

道員毛有銘軍三河尖提督成大吉由三河尖馳赴英

山霍山相機截剿檄總兵石清吉嚴防廬州截留署江

蘇巡撫李鴻章所派同知張樹聲等續募之淮勇五營

守運漕鎮檄參將梁美材山無爲渡江協防蕪湖

曾國藩疏

及咨札藁

十月僞忠逆僞對逆諸酋自江甯北渡圍李世忠於九

汝洲申辰偽對逆衝過九汝洲江浦分竄和州含山巢縣曾國藩調提督蕭慶衍會總兵石清吉守廬州道員毛有銘守巢縣同知張樹聲等守運漕游擊吳長慶鄭占鼇王占魁知州疏長庚守無爲以同知李昭慶督飭運漕無爲事宜檄道員蔣凝學撤回壽州正陽關防軍移守潁州霍邱檄旌德援軍總兵周萬倬回守蕪湖而賊已至巢含丙午含山陷丁未巢縣陷曾國藩疏及咨稿唐訓方疏含山巢縣等志

十一月偽對逆踞巢縣後分黨撲西梁山防將周惠堂

剿退曾國藩疏癸丑和州陷和州志含山縣志同乙卯銅城關陷丁巳

運漕東關並陷含山縣志曾國藩疏同壬申撲無爲州北門同知

續修廬州府志

卷二十二

兵事志二

三

李昭慶率張樹聲等軍開城迎戰水師曾昭美出新河

口擊之記名按察使劉連捷亦自江甯來會賊負創卻

走蕭慶衍毛有銘先後馳至毛軍嚴備巢縣東關之賊

蕭軍專攻運漕銅城關賊曾國藩疏無爲州志同惟王申作十三日辛酉

十二月丙戌彭玉麟督水師蕭慶衍率陸師進兵運漕

丁亥陸師營成水師曾泗美喻俊明護陸師向運漕自

上攻下平毀大馬頭一橋二壘彭玉麟親率成發翔王

吉唐敏義向三汊河自下攻上破石卡三石壘一引軍

西上遇曾泗美等會蕭慶衍陸師克復運漕鎮追至黃

墩餘匪歸併銅城關於要衝築四卡以阻陸師又築一

水卡以阻舟師辛卯蕭慶衍移軍黃墩張家渡丙申彭

玉麟令水軍攻賊水陸諸卡盡破之結船渡陸師戊戌
蕭慶衍破陶家莆等處賊壘水師毀沿隄數卡焚岷山
岡二壘繞出銅城關後已亥銅城關賊三路來撲水陸
各軍擊卻之曾國藩彭玉麟疏含山縣志當運漕之既復也庚寅曾
泗美攻東關毛有銘渡河夾擊賊踞守不下毛有銘遂
進規巢縣丁酉挫於芙蓉嶺總兵彭星占守備胡得勝
劉意勝陳東祥干總謝濟偁把總呂鴻榜外委李春生
力戰死之曾國藩彭玉麟疏

二年正月署江蘇巡撫李鴻章援常熟攻崑山調張樹
聲等軍回滬曾國藩調韋志俊換防無爲州又抽調六
安守兵助毛有銘顧巢縣甲戌曾國藩自安慶東下親

續修廬州府志

卷二十二

兵事志二

五

赴前敵巡視江甯及無爲州蕪湖金柱關曾國藩疏

三月偽忠逆自北渡後據巢縣爲巢穴以東關銅城關
爲鎖鑰以數路牽制廬江無爲官兵而以大支趨無爲
之石澗埠曾國藩咨札藁是月二日戊申忠酋犯石澗埠守將

毛有銘劉連捷禦之已酉庚戌連撲營濠我軍殪其前
鋒癸丑焚其芻積乙卯毀其攻具賊暫卻旋增壘合圍
文報糧運汲道俱絕曾國藩檄鮑超以援江西之師收
援皖北未至曾國荃令彭毓橘率陸師彭玉麟合周萬
倬劉祥勝率水師先後來援與蕭慶衍會軍黃雒河王
成彭玉麟親督水師攻蟹子口遣死士入圍約期會戰
是夜彭毓橘攻丁字鋪黃圖寺蕭慶衍周萬倬攻黃龍

岡迎珠塔信礮發毛有銘劉連捷王載駟等衝出重圍併力夾擊盡平賊壘東關之賊來援為彭玉麟擊退忠

酋等向小嶺開成橋而遁時鮑超甫至無為州石澗圍

已解曾國藩疏石澗埠陣亡者參將黃仁親都司趙人和守備蕭琪松劉紹志千總吳秀高把總李大材

毛昌五謝仁週外委李升先是忠酋之圍石澗也遣賊

山沈謙德向慎先童景星黨蠶盛家橋丁巳戊午偪犯廬江守將吳長慶並截留

梁美材一軍城守辛酉出剿敗賊羅家埠及石澗解圍

忠酋遂以乙丑圍廬江丙寅吳長慶等出擊敗之鮑超

自無為來援未至而城圍已解賊西竄梅心驛由界河

迤邐而北丁卯撲舒城防軍安肅道蔣凝學分軍迎剿

設伏敗走之執偽天將雨天幅曾國藩疏唐訓方疏賊既敗於舒

續修廬州府志 卷二十二 兵事志二 五

城遂由桐城趨六安已巳前隊至十里鋪署六安知州

何家驄糧台江西道員曾廣翼與副將王臨祥袁秀林

力籌守禦庚午賊大至自東南迤北而西面面結壘辛

未三路撲城東門城垣久雨漬損猝圯六七丈羣賊入

王臨祥麾兵攢刺擲尸城下曾廣翼袁秀林馳至悉戮

進口之賊搶築木城二道壬申賊傾巢出城上礮火猛

烈賊斃無數裹尸而退甲戌曾國翼等令勇士曾國藩疏楊

士衡楊恩榕陳清寶許恩祥六安志縋城馳擊斃賊六人

曾國藩疏穿過賊中調取團練道員李元華率東鄉練勇從

賊後直擣中堅進營南城外楊士衡等各領東南練勇

包賊之外於乙亥夜襲賊焚其二壘六安志丙子晦城中

又絕兵出襲鮑家圩掠糧之賊斬偽富天豫張承得偽左監議劉潮柱時曾國藩檄鮑超由廬江劉連捷彭毓橘毛有銘由無爲援六安曾國藩疏

四月戊寅鮑超將至舒城而六安圍解忠酋悉眾東趨

曾國藩疏薄定遠信宿南竄定遠縣志曾國藩檄鮑超由廬州追

擊即從柘皋進攻巢北劉連捷彭毓橘蕭慶衍從迎珠

塔進攻巢東蔣凝學毛有銘由六安援壽州檄成大吉

由鄂回皖會師壽州曾國藩片疏六安州志初一日丁丑解圍巢縣踞逆以

東關銅城開爲門戶使偽天安蕭逆等深溝高壘負嵎

堅守彭玉麟合水師曾泗美會合劉連捷毛有銘陸軍

攻東關壬午夜水師渡蟹子口陸師緣隄進伏九峯山

續修廬州府志 卷二十二 兵事志二 三

譚國泰別以木罌潛渡毀柵越濠徑薄壘下胡德雲石

大和先登諸軍繼之遂克東關逸賊爲伏兵所殺詰旦

七陳村南水坳打鼓山林頭鎮援賊迭至劉連捷毛有

銘率葛清泉李瑞二王載駟劉秉珩等分擊敗之其銅

城闌一隘蕭慶衍彭毓橘會合水師喻俊明成發翔張

錦芳唐敏義於壬午日環攻不下乙酉分軍破闌後之

百旺市五顯集賊壘乘勝攻銅城闌丙戌克之曾國藩疏是役陣亡者千總彭勝華

把總曾彩雲胡得雲石太和官軍克銅城闌後壬辰敗

賊於笱箕山甲午陸師次洪家山水師入巢湖丙申奪

望城岡副將李宏試縛悍酋偽閩天安蕭逆斬之戊戌

水陸會攻巢縣破窰廟沿河六壘是夜復巢縣己亥鮑

超由柘皋敗賊於清溪鎮畧地而東庚子蕭慶衍劉連捷彭毓橘與鮑超會師含山克之辛丑會水師成發翔楊占鼇攻和州亦克之曾國藩彭玉麟疏是役陣亡者擊鄭植祥劉春福都司丁文彬守備張彪外委屈傳芝顏隆許李連勝其受傷旋殞者副將黃福田游擊潘宏勝

三年五月粵匪陳得才與捻匪張佃江豫軍紀畧合竄湖北

棗陽趨向東南巡撫喬松年於潁州六安三河尖正陽關壽州定遠鳳陽臨淮設防按察使英翰駐軍亳州雒河大臣曾國藩令總兵普承堯守廬州總兵何紹彩守巢縣總兵陳國瑞奉

諭飭赴臨淮先派總兵郭寶昌一軍來皖喬松年聞賊由孝感

續修廬州府志 卷二十二 兵事志二 十一

竄黃安麻城踞英山霍山不遠卽令郭寶昌馳赴六安

會同安肅道蔣凝學防剿郭寶昌尋駐懷遠方畧喬松年疏

六月乙酉金陵大軍克復江南省城擒偽酋李秀成洪仁達等斬偽逆偽將及大小酋目三千有奇逆賊盡數

撲滅尋劉逆首偽天逆洪秀泉尸焚之平定粵匪方畧官文曾國

藩等 疏 偽幼逆洪福瑱奔廣德左宗棠沈葆楨各疏

七年六月張總愚伏誅擒匪平於是諸軍奏凱奉

旨加各統兵大員及在事文武爵賞有差八月奉

上諭捻逆蕩平官兵凱撤勇丁還里各督撫等其慎選牧令安良除暴以靖地方

合肥徐子苓廬州戰守記節錄撫軍江公諱忠源字常孺岷樵其號也湖南新甯人道光丁酉鄉榜甲辰謁選

得校職未赴以平盜功得薦擢莅浙江秀水縣在官有
惠聲既從軍粵西歷兩湖又嘗佐守江西積功至今官
以城破死既上聞贈卹如例謚忠烈迹公之死與城
之破非賊之強戰守之不力民之不足與守也公久在
兵間有將才而廬州又堅城地饒材武儲粟山積赴援
之兵四至然卒至城破身死則以前乎公者惜焉一無
所備公未受事而病既痊事病日劇事益不可以為悲
夫余郡人曾在圍中於公有一言之知嘗欲論次其畧
顧事多不可誦言恐久遂遺失謹撮其大要於篇先是
賊踞粵西屢積兵既入湖南圍長沙汎洞庭破武昌畧
江西咸豐三年正月壬戌遂入安慶撫者蔣文慶遇害
自兩司以至羣吏咸遁防江之兵四潰賊順流下趨據
江甯出兵四擾勢益張部議安慶既空移撫廬撫者是
為李閣學嘉端尋罷冬十月賊道安慶毀集賢屠桐城
遂入舒城公馳上事越翼日暮賊前鋒抵派河公下令
趣閉城夜具疏條戒諸吏是時余故人池州陳太守甫
檄至適余自鄉間來因留飲太守所時十一月壬子夜
也越翼日癸丑賊四薄余登南垣馮堞望車徒塵逸
子墜樓下大於鶯卵適公騎至余猝不及避則熟視公
軒眉長目髭漆黑顧盼磊然時賊兵號數萬公所部
開化鎮軍諸弁卒不滿二千人家陣而守勢不給城中
民之存者猶四五萬人存司戒民無闌登城公則趣下

續修廬州府志

卷二十二

兵事志二

三

令日平時父老未嘗一見賊今約民各持鑿柄鋤錘咸
登縱觀無禁不頃刻碑下林立蟻附得數萬人合噪騰
鄭賊少却越翼日甲寅夜半賊環攻潛梯西平門緣郭
上我兵奮擊賊如堵進比登矣我兵殪其魁奪其黃旗
以呼賊舍梯遁我兵上首功總若干級湖南舉人鄒漢
勳功最越翼日乙卯天大霧賊犯拱辰門礮子滾滾如
注羣賊哨而馳聲啾啾如鬼居民大恐霧四塞炬不見
光知縣張文斌督眾奮擊把總尹孝忠中礮死外委張
得勝礮傷膊傾灼其指指斷落戰益疾是時賊乘霧分
撲時雍門池州守陳源交守備程智泉擊卻之斬首總
若干級越翼日丙辰賊分攻六門賊渠黃旗前導大炮
雲梯徑薄德勝門下都司楊煥章把總尚得勝擊卻之
奪其雲梯五十餘架各門互有斬獲越翼日丁巳賊攻
時雍門守備程智泉燃大炮斃賊魁守城民滾木火罐
磚石齊下賊大創日亭午賊徒從東大橋來捆載趨一
黃巾賊騎而後道包公祠前守陴民故木工也賊趨行
燃鎗陴隙賊中鎗人騎驚颺久乃撲有小校紅帕腰刀
翹立陴上躍而奔賊賊驚逸我兵獲賊鹽二車驢一馬
一黃巾賊首一他衣物不貲越翼日戊午夜守備程智
泉潛兵威武門外據橋營賊突出奪橋戰卻之廬州城
周二十里里為堞四千五百七十有奇總七門南二門
曰南薰又南曰德勝西二門曰西平又西曰水西北一

門曰拱辰東二門曰威武又東曰時雍威武門外巨橋
 跨水橋外一軍蓋嘗先期請出城迎賊堵擊以游兵護
 四鄉與城上兵相犄角者也賊至眾先潰賊屢與我兵
 奪橋戰不利夜乃潛穴城墜數丈是夜公出重賞得死
 士二百餘人迎隧出有賊魁黃禰禿髮俛而下窺外委
 馮貴刀劈其面遂梟之賊徒踰隧中我兵爭擲火罐斃
 賊無算遂出縱火焚賊巢踞民屋屋堅難拔是役也
 微公因事出奇城幾殆越翼日巳未壽春鎮將玉山以
 東關戍卒由店埠進援拱辰門戰死西安帶兵官伊昌
 阿珂登額遁去方玉山之道北鄉也諸團長選道獻食
 請駐營先關報撫軍會諸援兵合擊而以練丁萬人左
 右距玉山不能用勇目支三虎以八百人進搏賊棄營
 走徑入括賊財廣勇進馬兵繼之賊潛出馬兵後故潰
 越翼日庚申同知劉長佑千總江忠信與鎮將音德布
 會師西平門外距城十里未成列而賊至長佑忠信以
 前鋒搏賊賊敗走遂進攻西賊警賊出援麋鬪社覆壇
 下我兵戰小卻六品銜石安邦外委林世弼殿後軍抵
 死戰死之是時賊連營圍攻急城中民弁晝夜不得眠
 玉山之援又潰六安壞接路適是日辰刻城上突見紅
 藍旗閃閃從西方來守城民據陣歡呼欲出助擊公急
 令都司馬良勳把總向得勝各帶勇百餘人出逐師遇
 賊戰連斃數十賊益前守城民益奮呼欲出誓効死助

擊入之偵者曰紅旗颺徑西去矣先是賊圍城一日公
 檄徵各路兵音德布以所部自六安次於官亭又數日
 迂道營於北三十里崗既會師前鋒遇賊戰所部中道
 潰徑奔次於棗林崗賊窮追縱火居民大懟肆劫於棗
 林則益棄其輜重復歸次於官亭辛酉壬戌亥賊間
 攻各門互有斬獲越翼日丙寅鎮將音德布以公合復
 進師遂傍蜀山而營其地距城總二十里所謂西大營
 也東大營者前革司張印塘以東關之卒進屯於店埠
 者也由店埠至威武門總四十五里越翼日戊辰都司戴
 文蘭藍翎千總江忠信徑歷艾運聯以楚勇百五十人
 人各懷白鏢一巨定夜叩城遂入城中帑久缺士有浮
 言藉是粗定十月有二月于中驛守德勝門都司楊煥章
 率兵勇數百踰城出守城民繼之拔賊營二毀其巢蠟
 其魁從獲其牛馬貨物無算總斬首若干級生擒賊總
 若干名是役也我兵自辰至午戰益奮諸賊閉營股栗
 無敢出者越翼日癸酉夜川勇被劫遺川勇者所謂英
 聚堂之兵也眾千餘無師領白推六人為頭目舊隸向
 軍門爭功斥逐以眾至有知府銜李登洲者方籍兵遂
 募焉而川勇固驕甚是日午刻白店埠移營拱辰門外
 之三十里谷堆比至巳暮矣遂宿民家登洲先遁去賊
 突至士黑夜保走手格一軍幾覆李登洲者素不根嘗
 從守東關屢敗賊是時店埠諸行營去賊遠登洲至方

呼酒嘯歌既夜有逃卒至始覺益引遠翼日乙亥辰刻地雷發於西平門守者宿戒賊不敢進我兵奮擊有黃衣賊出護軍城上大炮忽自鳴飛子碎賊首賊創退越翼日丁丑陝甘總督舒興阿以所部五千入駐營阿子集已卯由岡子集進援水西門先會諸團長集練丁萬餘人殿而以川勇數百人當賊賊進搏川勇以前饋殊死鬪馬兵突驚賊旁衝馬蹶賊騎步相蹂賊空壁逐諸團嚴陣以待賊始卻越翼日辛巳水西門地雷起城角陡崩數丈餘盡聲震天延燒大藥房一所勢殊猛賊肉薄城下時天黎明公久病臥帳中躍起手大旗綠陣而呼馮於崩所部司戴文薩馬良勳負槍從揮及直前連斃賊我兵抵死戰火猛礮石四逆反中賊賊負創走守備龍天保督工進火灼其鬚髯焦脫益前頃之羣工畢集城復完賊徒多兩湖刑隸嘗伐炭山中故巧於穴城每一隧實藥櫛中隧深曲旁達城腹綫燃火發無不裂者公久辦賊事宿戒每倉卒而成奇功是日也賊分攻時雍門池守陳源交守備程智泉併力擊賊創退賊翼日壬午六品銜江忠濬以楚勇千五百人至凡兩戰遂進營西平門之五里墩公三弟仲忠濬叔忠濟季忠淑皆善撫士士樂為用賊中聞江家兵咸卻越翼日癸未藍翎千總李得勝以楚勇八十人燭若干石銀若干封夜入城勞師且告援至越翼日甲申前革司張印

塘六品銜黃元吉自店埠與舒興阿會兵岡子集將進兵援水西門又益以新募鳳陽之勇五百人前鋒抵四里河遇賊戰甚酣舒興阿遣其麾下總兵官以所部萬人陣於隄上有黃旗從東北來偵者曰賊援至馬兵四潰舍騎而徒或走匿松林中駢立兩泣賊尾至引頸受刃至有一賊手及十餘人者先是公嘗手札飭四鄉練丁會官兵同赴援自玉山敗死附益馳附城民驚恐遠竄賊廣散偽示時出游騎焚幾民之殺賊以應官兵者又嘗出金錢重與民媾賊故屢增且橫而舒興阿之馬兵又迭潰敗諸兵勇飽食嬉游或自書人人家家劫什物鄉民又以此與兵屢相詬越翼日丁亥夜城破撫軍江公嘗固鎮鄂內屢設奇出擊賊兵號數萬其實止萬人斬獲創死折其半屢蹙思遁而外援不力內訌交弱先是滑甯鄭湖寔通賊賊圍城二日余晚飯媿家見婦人爭殺雄雞瀝血蓋水雞東首蓋血加箸置戶外炷香楮問問故曰撫軍合也翼日從陳太守飲於城樓具言太守驚曰無是也既罷月中緣陴行見數役各負箭急趨鳴金以呼頃刻家炷香如故且申令民無畜水七著長竿之屬咸假翼日又請言撫軍遣役括婦人月布冒旗燾謂賊幻以此厭之爾未幾廉得狀捕潮至梟首懸城武門下而自是民房屢火不根之言多莫測所從來勇

日徐懷義故縣役也倚邵守胡某善立權勢其黨晝羣
 飲夜恒昏卧巡城官屢呵不顧有舊與賊通者嘗倚城
 嘯呼而手語蓋賊營新附錦手與懷義所募勇居恒適
 又嘗同犯法亡命者方水西門破地雷裂外郭垣塌矣
 我兵死戰賊環列愕顧公亟下令各門威勒兵守城民
 憤呼願効死而拱辰門樓火突起守城勇先遁有數人
 自東北來繞城呼曰賊至矣盍亟去方是時民實未見
 一賊也拱辰門者郡北門也勇目徐懷義與霍卯勇目
 周恩畫地分守處也懷義守北西周恩守北東空陣而
 走賊畢登公縱兵迎擊連斃賊奔都司馬良勳以眾
 逐賊金斗圩轉戰城北夜冥星晦賊合圍我兵盪賊頭
 格鏖迎及墮久之良勳中創死賊以大隊畧西平門逆
 折下將夾攻水西門西平門者鄒君漢勳分守地也君
 夜飲方半自拔所佩刀直前殺賊賊怒及中頂血淋浪
 項偏折兩卒翼之前行數武死之而是時都司戴文蘭
 身中重創以死士十餘人將冒圍赴西營乞師復遇賊
 戰死之天比明霧蔽救如雨諸大弁血及擁公請去公
 曰城陷矣何以謝百姓自刎不殊復赴水死之賊既入
 城上屍積井院咸滿同時官民死者別有錄郡城自安
 慶破後居民一日數遷有司議團議捐皆具文而公私
 請託朝令夕更偶一舉動費不節公由九江道六安病
 卧屢馳檄趨有司清野濬濠簡料軍實比至上下錯愕

未知所措一切苟簡荒畧仍舊自被圍之六日城中雞
 豚薪燭諸日用之需咸匱而東北門外崇墉貨集向之
 因循瞻顧適以資寇強而導之攻悲夫公恢奇多大畧
 御下刑賞必信自守令以至羣校犯法恒縛致帳前不
 少貸尤能與人均甘其苦虛懷納善惟恐失之守城民
 嘗晨粥蓐食公適過顧曰吾適飢若粥既乎日未徑索
 箸就蓐上共啖復索蔬民以野藿進糲蒸未熟公飽啖
 大嚼徐欠伸曰吾久病不支多謝父老為吾城守鎮城
 罄如洗無足相犒又重累君等日澹食因撫進葦者背
 滋然長嘆久乃去公每出巡城遇民間相餽者恒駐馬
 嘗其冷暖飢便就食糲中與民共飯而其麾下兵勇雖
 大弁與民耦俱不恂恂笑語無異時武夫健兒叫噪驚
 難犯之色貿易不欺一錢故民咸樂為用市小兒曰提
 一筐豆恒懷磚石願効擊賊有市人從守城民偶語中
 炮死公立出銀為市楮且趣騎將出視歛所或尼之曰
 吾前合凡民助城上斃賊或為賊斃吾賞卹與吾兵勇
 同奈何吝數十金以負死者卒如合群人士行以說上
 謁者夜叩寢所恒據枕作答朱墨涿涿頃刻數百言公
 死殆年餘其舊時麾下與郡人每道公恒泣其遺文四
 首總錄藏余家方余在圍中時從陳太守飲酒以辦
 守指遂通謁於撫軍公延入殊禮坐定請問公所以辦
 賊之要公撫然久之曰割天塹以資賊險失地形矣安

慶棄而巢縣又破廬郡門戶藩籬皆撤解圍後吾當進
兵江上造戰艦數百斷賊往來然後金陵可坐致也方
是時公咳瘵骨立前席據壺坐旁一老卒調藥侍嚔下
三司羣吏爭趨曰吾精兵多留江西亟欲得吾季來顧
久之長吁四睇曰吾精兵多留江西亟欲得吾季來顧
道遠昨客有獻書促吾開門戰謂諸團願助勦者今亦
未見一隊來團練果何如余遂巡對曰生郡人以亂避
鄉間各團捕可以靖小盜然皆無足當巨寇公曰然強
子行且紆道為我趨東路兵賊平還藉子為我草露布
文嗟乎余與公相際淺公之意言不欺若深相結者每
一追念涕交頤下公死諸大帥設圍城下又一年未拔
賊踞城悉銳北上創於徐州蔓延河北諸郡益兵高唐
自九江以沂兩湖屢構兵江甯賊游行如故咸豐四年
十有一月記

續修廬州府志

卷二十二

兵事志二

三

建甯鎮總兵張得勝克復廬州兵事節畧同治元年四
月建甯鎮總兵張得勝克復廬州兵事節畧同治元年四
步兵練三十三營星夜赴廬會同將軍多隆阿及副都
統克蒙額等圍攻廬郡時偽英逆陳玉城率悍賊十餘
萬眾久踞廬州屢攻不下張得勝與多將軍會議張攻
其東北多攻其西南晝夜環攻未嘗暫息陳逆嬰城固
守決不出戰壬戌張得勝密飭其先鋒等營於北門外
分路埋伏而令分統張朝棟督率所部馬兵近迫城垣
下馬坐地辱罵以誘敵賊果於午後開城出戰我軍故
遺棄馬匹詐敗奔北誘至設伏之處橫截賊兵衝為數
段賊首尾不能救應大敗奔回我軍乘勢直追進薄城
下賊墮墜死者無數遂合城圍賊賊敗入城時張得勝
預令蓄髮軍士長作偵探者効賊裝束乘勢混入城中
相機行事舉火以為內應丙寅夜賊復分門出撲諸軍
鏖戰良久賊殊死戰張得勝躬率銳卒潛由北門濠邊
繞出賊後賊前受逼遂大潰城中火起守城賊驚擾
亂竄張得勝躬執長矛猱升而上士卒皆爭先登城丁
卯黎明遂克廬郡陳逆率其悍黨衝出西門折向北路
遁去張與多議悉該逆勾結擒匪因簡率精銳晝夜追
襲至瓦埠河賊回戈相向復大敗之賊落河死者枕籍
水為不流陳逆乃窘蹙奔壽時苗練叛據壽州總鎮密
函勸苗擒獻陳逆贖罪歸誠苗心憐之陳逆遂因此授
首